

Soluziun da la controlla dal progress

CP5.1

Soluziun pussibla:

cham e pesch: pesch, dschambun, liongias

prodots da lat: painch, chaschöl, tschiculatta

frütta: üa, ampas, tschireschas

verdura: tschinguolla, mailinterra, rischgelguas

bavrondas e liquids: aua, lat, vin

prodots da granezza e semulina: pan, ris, pulenta

ingredienzas: zücher, sal, öli, aschaid

(Per mincha pled attribui inandret a la gruppa daja $\frac{1}{4}$ punct, ils noms da las gruppas dan eir adüna $\frac{1}{4}$ punct. In tuot daja 4 puncts.)

CP5.2

Ils pasts: püschain, culazchun / giantar / tschaina / marena (tanteraint o picnic)

(Pel pled da mincha past ed ün menü chi s'affa cun quel past daja $\frac{3}{4}$ puncts, in tuot daja 2 puncts.)

CP5.3

(Per nomnar üna mangiativa strichada dal plan da nutrimaint individual e l'argumentaziun respectiva daja 1 punct, in tuot daja 2 puncts.)

CP5.4

sar Arquint:	Camarier! Das-chess eu postar alch?
camarier:	S'inclegia. Che vess El jent?
sar Arquint:	Eu vess jent ün'aua minerala ed ün caffè cun lat. E lura postess eu amo jent alch pac da mangiar. Am pudess El portar la carta dals menüs, per plaschair?
	<i>Il camarier porta la carta.</i>
sar Arquint:	Che pudess am El cusgliar?
camarier:	Il menü dal di es ün pesch frais-ch da l'En o spaghets cun frütta da mar.
sar Arquint:	In quel cas pigliess eu jent il pesch. Am portess El ouravant amo üna pitschna salata masdada ed ün pa pan, per plaschair?

(Per mincha fuorma correcta daja $\frac{1}{4}$ punct, in tuot daja 1 punct e $\frac{3}{4}$.)

CP5.5

a)

	antepast	past-principal	dessert
sar Guidon	schoppa da rischgelguas	s-chalpetta da vadè cun üna sosa da gromma, pomfrits	cheu da caramella
duonna Guidon	salata verda	filet da bouv cun risot e verdüra	-

b)

ün quintin Pinot Noir dal Singuradi

ün cappuccino

ün liter aua minerala sainza gas

ün espresso

c) La sosa da salata cuntegna agl.

d) La schoppa es massa fraida.

e) Il camarier ha invlidà la verdüra.

f) Ils giasts nu manglan pajar il cafè.

(La risposta a la dumonda a) dà 1 punct e mez, las respostas a las dumondas b-f dan adüna ½ punct. In tuot daja 4 puncts.)

CP5.6

a)

Il plural regular vain formà in vallader cun agiundscher ün -s al nomen. Ex.: il pan, ils pans; la liongia, las liongias

b)

singular	plural	singular	plural
il curtè	ils curtels	il mail	la maila
il früt	la frütta	il marchà	ils marchats

(Per l'explicaziun dal plural regular daja ½ punct e per mincha exaimpel correct ¼ punct. Per mincha fuorma correcta illa tabella daja ½ punct. In tuot daja 3 puncts.)

CP5.7

a) Il bazegner taglia üna crusch in mincha liongia.

b) L'autura conguala las liongias cun cruschs intagliadas cun tulipanas. La significaziun la plü cuntschainta da la tulipana es l'amur, in quist cas l'amur dal bazegner per seis abiadis.

(Las respostas correctas a la dumonda a) e b) dan adüna 1 punct. Scriver ün cuort text coerent in connex culla dumonda c) dà 1 punct ed ¼. In tuot daja 3 puncts ed ¼.)